

历朝诗约选





七言絕句六 晚唐

歷朝詩約選七十八

趙嘏七首

翡翠巖

芙蓉幕裏千場醉。翡翠巖前半日閒。惆悵晉朝人不到。謝公拋力上東山。

經汾陽舊宅

門前不改舊山河。破虜曾經馬伏波。今日獨經歌舞地。古槐疎影夕陽多。

寄盧中丞

葉覆清溪灩灩紅。路橫秋色馬嘶風。獨攜一榼郡齋酒。吟

歷車言選卷七十一  
對青山憶謝公

尋僧

溪戶無人谷鳥飛  
石橋橫木挂禪衣  
看雲日暮倚松立  
野水亂鳴僧未歸

西江晚泊

茫茫藹藹失西東  
柳浦桑村處處同  
戍鼓一聲帆影盡  
水禽飛起夕陽中

江樓感舊

獨上江樓思渺然  
月光如水水如天  
同來望月人何處  
風景依稀似去年

聽琴

抱琴花夜不勝春。獨奏相思淚滿巾。  
第五指中心最恨。數聲嗚咽爲何人。

盧弼三首

邊庭四時怨

朔風吹雪透刀瘢。飲馬長城窟更寒。  
夜半火來知有敵。一時齊保賀蘭山。

盧龍塞外草初肥。雁乳平蕪曉不飛。  
鄉國近來音信斷。至今猶自着寒衣。

八月霜飛柳變黃。蓬根吹斷雁南翔。  
隴頭流水關山月。泣



上龍堆望故鄉

馬戴一首

送友人遊邊

有客新從絕塞回。自言曾上李陵臺。尊前話盡北風起。秋色蕭條胡雁來。

鄭畋一首

馬嵬坡

玄宗回馬楊妃死。雲雨難忘日月新。終是聖明天子事。景陽宮井又何人。

崔珏一首

席上贈琴客

七。條。絃。上。五。音。寒。此。事。知。音。自。古。難。唯。有。開。元。房。太。尉。始。  
終。憐。得。董。庭。蘭。

陸龜蒙四首

送碁客

滿。目。山。川。似。勢。碁。況。當。秋。雁。正。斜。飛。金。門。若。召。羊。玄。保。賭。  
取。江。東。太。守。歸。

懷宛陵舊遊

陵。陽。佳。地。昔。年。遊。謝。眺。青。山。李。白。樓。唯。有。日。斜。溪。上。思。酒。  
旗。風。影。落。春。流。

白蓮

素蘂多蒙別豔欺。此花真合在瑤池。無情有恨何人見。月  
曉風清欲墮時。

後池

曉煙清露暗相和。浴雁浮鷗意緒多。卻是陳王辭賦錯。枉  
將心事託微波。

盧澥一首

奉和李訥聽盛小叢歌贈侍御

烏臺上客紫髯公。共捧天書靜鏡中。桃葉不須歌白苧。耶  
谿暮雨起樵風。



鄭谷二首

淮上與友人別

揚子江頭楊柳春。楊花愁殺渡江人。  
數聲風笛離亭晚。君向瀟湘我向秦。

席上贈歌者

花月樓臺近九衢。清歌一曲倒金壺。  
坐中亦有江南客。莫向春風唱鷓鴣。

吳融二首

閩鄉卜居

六載抽毫侍禁闈。可堪多病決然歸。  
五陵年少如相問。阿

歷朝詩選卷十七  
四  
對泉頭一布衣

楚事

悲秋應亦抵傷春。屈宋當年並楚臣。何事從來好時節。只將惆悵付詞人。

高蟾一首

金陵晚望

會伴浮雲歸晚翠。猶陪落日汎秋聲。世閒無限丹青手。一片傷心畫不成。

孟遲一首

過驪山

冷日微煙渭上愁。華清宮樹不勝秋。霓裳一曲千門鎖。白盡梨園弟子頭。

崔櫓二首

華清宮

草遮回磴絕鳴鸞。雲樹深深碧殿寒。明月自來還自去。更無人倚玉闌干。  
門橫金鎖悄無人。落日秋聲渭水濱。紅葉下山寒寂寂。溼雲如夢雨如塵。

王貞白一首

折楊柳



五  
五  
枝枝交影鎖長門。嫩色曾霑雨露恩。鳳輦不來春欲盡。空  
畱鶯語到黃昏。

劉言史一首

泊花石浦

舊業叢臺廢苑東。幾年爲梗復爲蓬。杜鵑啼斷還家夢。半  
在邯鄲驛樹中。

宋邕一首

春日

輕花細葉滿林端。昨夜春風曉色寒。黃鳥不堪愁裏聽。綠  
楊宜向雨中看。

李郢一首

送李判官

津市停橈送別難  
熒熒蠟炬照更闌  
東風萬疊吹江月  
誰伴袁袁宿夜灘

于鵠一首

江南曲

偶向江邊採白蘋  
還隨女伴賽江神  
眾中不敢分明語  
暗擲金錢卜遠人

王表一首

成德樂

趙女乘春上畫樓。一聲歌發滿城秋。無端更唱關山曲。不  
是征人亦淚流。

裴夷直一首

贈美人琴絃

應從玉指到金徽。萬態千情料可知。今夜燈前湘水怨。殷  
勤封在七條絲。

羅鄴一首

放鷓鴣

好倚青山與碧谿。刺桐毛竹待雙棲。花時遷客傷離別。莫  
向相思樹上啼。



羅隱三首

煬帝陵

入郭登橋出郭船。紅樓日日柳年年。君王忍把平陳業。只換雷塘數畝田。

贈伎雲英

鍾陵醉別十餘春。重見雲英掌上身。我未成名君未嫁。可能俱是不如人。

偶興

逐隊隨行二十春。曲江池畔避車塵。如今贏得將衰老。閒看人閒得意人。

司空圖一首

花下

故國春歸未有涯。小闌高檻別人家。五更惆悵回孤枕。猶有殘燈照落花。

韓偓二首

已涼

碧闌干外繡簾垂。猩色屏風畫折枝。八尺龍鬚方錦褥。已涼天氣未寒時。

寄鄰莊道侶

聞說經旬不啟關。藥窗誰伴醉開顏。夜來雪壓村前竹。剩

見○溪○南○幾○尺○山○

崔塗二首

讀漢武內傳

分○明○三○鳥○下○儲○胥○一○覺○鈞○天○夢○不○如○無○那○白○頭○方○士○到○茂○  
陵○紅○樹○已○蕭○疎○

夷陵夜泊

家○依○楚○塞○窮○秋○別○身○逐○孤○舟○萬○里○行○一○曲○巴○歌○半○江○月○便○  
應○消○得○二○毛○生○

司馬札一首

宮怨



柳色參差掩畫樓。曉鶯啼送滿宮愁。年年花落無人見。空  
逐春泉出御溝。

陳陶一首

隴西行

誓掃匈奴不顧身。五千貂錦喪胡塵。可憐無定河邊骨。猶  
是春閨夢裏人。

崔道融二首

羯鼓

華清宮裏打撩聲。供奉絲簧束手聽。寂寞鑿輿斜谷裏。是  
誰翻得雨淋鈴。

酒醒

酒醒撥剔殘灰火多少淒涼在此中  
鑪畔自斟還自醉竹窗深夜雪兼風

韋莊十四首

鄜州寒食

滿街楊柳綠絲煙畫出清明二月天  
好是隔簾花樹動女郎撩亂送鞦韆

雕陰寒食足遊人金鳳羅衣溼麝薰  
腸斷入城芳草路澹紅香白一羣羣

江行西望

西望長安白日遙。半年無事駐蘭橈。欲將張翰松江雨。畫作屏風寄鮑昭。

古別離

晴煙漠漠柳毵毵。不那離情酒半酣。更把玉鞭雲外指。斷腸春色在江南。

一生風月供惆悵。到處煙花恨別離。至竟多情何處好。少年長抱長年悲。

金陵圖

誰謂傷心畫不成。畫人心逐世人情。君看六幅南朝事。老木寒雲滿故城。



江雨霏霏江草齊。六朝如夢鳥空啼。無情最是臺城柳。依舊煙籠十里隄。  
臺城

衢州江上別李秀才  
千山紅樹萬山雲。把酒相看日又曛。一曲離歌兩行淚。不知何地再逢君。

江上別李秀才  
前年相送灞陵春。今日天涯各避秦。莫向尊前惜沈醉。與君俱是異鄉人。

東陽酒家贈別

送君同上酒家樓。酩酊翻成一笑休。正是落花饒悵望。醉

風草言卷之十一  
鄉前路莫回頭。

天涯方嘆異鄉身，又向天涯別故人。  
明日五更孤店月，酒醒何處各霑巾。

寄江南逐客

二年音信阻湘潭，花下相思酒半酣。  
記得竹齋風雨夜，對牀孤枕話江南。

江外思鄉

年年春日異鄉悲，杜曲黃鶯可得知。  
更被夕陽江岸上，斷腸煙柳一絲絲。

鍾陵夜闌作

鍾陵風雪夜將深。坐對寒江獨苦吟。流落天涯誰見問。少卿應識子卿心。

孫光憲一首

楊柳枝

閨門風暖落花乾。飛徧江城雪不寒。獨有晚來臨水驛。閒人多凭赤闌干。

王渙二首

惆悵詞

陳宮興廢事難期。三閣空餘綠草基。狎客淪亡麗華死。他年江令獨來時。



少卿降北子卿還朔野離觴慘別顏。卻到茂陵惟一慟。節毛零落鬢毛斑。

杜荀鶴一首

旅館遇雨

月華星彩坐來收。嶽色江聲暗結愁。半夜燈前十年事。一時和雨到心頭。

張泌三首

惜花

蝶散鶯啼尙數枝。日斜風定更離披。看多記得傷心事。金谷樓前委地時。

寄人

別夢依依到謝家。小廊回合曲闌斜。多情只有春庭月，猶爲離人照落花。

酷憐風月爲多情。還到春時別恨生。倚柱尋思倍惆悵。一場春夢不分明。

蔣吉一首

旅泊

霜月初高鸚鵡洲。美人清唱發紅樓。鄉心暗逐秋江水。直到吳山腳下流。

開元名公一首



裴給事宅白牡丹

長安豪貴惜春殘。爭賞新開紫牡丹。  
別有玉盤承露冷。無人起就月中看。

杜秋娘所歌一首

金縷曲

勸君莫惜金縷衣。勸君須惜少年時。  
有花堪折直須折。莫待無花空折枝。

劉媛一首

長門怨

雨滴梧桐秋夜長。愁心和雨到昭陽。  
淚痕不與君恩斷。拭



卻○千○行○更○萬○行○

魚○玄○機○一○首

送○盧○員○外

玉○壘○山○前○風○雪○夜○錦○官○城○北○別○離○魂○信○陵○公○子○如○相○問○長○  
向○夷○門○感○舊○恩

薛○濤○一○首

送○友○人

水○國○蒹○葭○夜○有○霜○月○寒○山○色○共○蒼○蒼○誰○言○千○里○自○今○夕○離○  
夢○杳○如○關○塞○長

武○昌○妓○一○首

續韋蟾句

悲莫悲兮生別離。登山臨水送將歸。武昌無限新栽柳。不見楊花撲面飛。

湘妃廟女子一首

無題

少將風月怨平湖。見盡扶桑水到枯。相約杏花壇上去。畫闌紅子鬪樗蒲。

天竺牧童一首

別李源

身前身後事茫茫。欲話因緣空斷腸。吳越山川尋已徧。卻

回。煙。棹。上。瞿。塘。

蘆中集二首

讀庾信集

四。朝。十。帝。盡。風。流。建。業。長。安。兩。醉。遊。唯。有。一。篇。楊。柳。曲。江。  
南。江。北。爲。君。愁。

初過漢江

襄。陽。好。向。峴。亭。看。人。物。蕭。條。值。歲。闌。爲。報。習。家。多。置。酒。夜。  
來。風。雪。過。江。寒。

無名氏一首

雜詩



歷朝詩選卷七十八  
一四  
無○定○河○邊○暮○笛○聲○赫○連○臺○畔○旅○人○情○函○關○歸○路○千○餘○里○一  
夕○秋○風○白○髮○生○

陳國詩五

南○北○氣○昏○愁○  
國○神○下○滿○露○風○前○野○業○氣○空○南○朝○散○  
一○氣○林○林○曲○

大國賦詩集

南中樂二首

歷朝詩選卷七十八終

七言絕句七 北宋一

歷朝詩約選七十九

鄭文寶一首

送別

亭。亭。畫。舸。繫。春。潭。只。待。行。人。酒。半。酣。不。管。煙。波。與。風。雨。載。  
將。離。恨。過。江。南。

寇準二首

洛陽道中感懷

文。陛。初。辭。咫。尺。顏。恩。深。猶。綴。輔。臣。班。漢。庭。舊。友。凋。零。盡。猶。  
擁。雙。旌。入。武。關。

漢上偶書

風草言選卷七十九  
一  
謫仙唐室遊茲郡。花下聽歌醉眼迷。今日漢江煙樹盡。更無人唱白銅鞮。

楊億四首

戊申年七夕

六幕西迴斗轉車。鮮雲點綴玉鉤斜。天孫已度黃姑渚。阿母還來漢帝家。

蘭夜沈沈鶴漏移。羽車雲幄有佳期。應將機上回文錦。分作人間乞巧絲。

神女歡娛一夕休。月娥孀獨已千秋。爭如靈匹年年會。莫恨牛津隔鳳輶。



玉女壺傾笑電頻白榆晴影接星津神光奕奕雲容薄誰見凌波韞起塵

劉筠二首

戊申年七夕

華寢星陳夜未央明河奕奕度神光一年暫得停機杼不奈秋蟲促織忙

吹笙何處伴乘鸞窺牖誰人見阿環便有唐家今夕意月和風露滿驪山

錢惟演四首

戊申年七夕

玉露金河顥氣涼。辛夷車轉桂旗香。嫦娥可是多猜忌。不駐瓊輪放夜長。

一歲佳期一夕過。羽旗雲蓋涉微波。明朝若寄相思淚。玉枕金莖得最多。

青鳥當時下紫雲。綺囊書秘露桃新。莫嫌夜半移牀遠。朱雀窗中別有人。

驪阜凌雲對玉鉤。千門高切絳河秋。欲聞天語猶嫌遠。更結三層七巧樓。

薛映一首

戊申年七夕



碧天如水月如鉤。金露盤高玉殿秋。青鳥潛來報消息。一時西望九花虬。

劉秉一首

戊申年七夕

紅蕖爛漫碧池香。羅綺三千侍漢皇。阿母暫來成底事。茂陵宮樹已蒼蒼。

林逋一首

詠退筆

神功雖缺力終存。架琢珊瑚欠策勳。日暮閒窗何所似。灞陵憔悴故將軍。



李之才一首

行次鳳州

去年二月洛城遊。今日尋春到鳳州。  
欲託雙魚附歸信。嘉陵江水不東流。

司馬光一首

行色

冷於陂水淡於秋。遠陌初窮見渡頭。  
賴是丹青無畫處。畫成應遣一生愁。

蘇舜欽二首

淮中晚泊犢頭

春陰垂野草青青時有幽花一樹明  
晚泊孤舟古祠下滿川風雨看潮生

初晴遊滄浪亭

夜雨連明春水生嬌雲濃暖弄微晴  
簾虛日薄花竹靜時有乳鳩相對鳴

六石介一首

泥溪驛中作

嘉陵江自大散關與予相別二十餘程至泥溪倩予去因有是作

山驛蕭條酒倦傾嘉陵相背去無情  
臨流未忍輕相別吟聽潺湲坐到明

歐陽修八首

豐樂亭遊春

綠樹交加山鳥啼。晴風蕩漾落花飛。  
鳥歌花舞太守醉。明日酒醒春已歸。

高樓

六曲雕闌百尺樓。簾波不動瓦如流。  
流雲已映樓西北。更向雲西待月鉤。

行雲

疊疊煙波隔夢思。離愁幾日減腰圍。  
行雲亦自傷無定。莫就行雲託信歸。

贈歌老



病○客○多○年○掩○綠○尊○今○宵○爲○爾○一○顏○醺○可○憐○玉○樹○庭○花○後○又○  
向○江○都○月○下○聞○

走筆答原父提刑學士

歲○暮○山○城○喜○少○留○西○亭○尙○欲○挽○行○輶○一○尊○莫○惜○臨○岐○別○十○  
載○相○逢○各○白○頭○

行次壽州寄內

紫○金○山○下○水○長○流○常○記○當○年○此○共○游○今○夜○南○風○吹○客○夢○清○  
淮○明○月○照○孤○舟○

再至汝陰

黃○粟○留○鳴○桑○葢○美○紫○櫻○桃○熟○麥○風○涼○朱○輪○昔○愧○無○遺○愛○白○

首。重。來。似。故。鄉。

琵琶亭

樂。天。會。謫。此。江。邊。已。嘆。天。涯。涕。泣。然。今。日。始。知。子。罪。大。夷。陵。此。去。更。三。千。

劉放一首

題館門

璧。門。金。闕。倚。天。開。五。見。宮。花。落。古。槐。明。日。扁。舟。江。海。去。卻。從。雲。氣。望。蓬。萊。

劉敞三首

登城微雨



雨映寒空半有無。重樓閑上倚城隅。淺深山色高低樹。一片江南水墨圖。

十月

十月黃河冰未澌。柳條弱弱草離離。寒蛩逐馬聲相續。卻是江南秋半時。

長安別蔡嬌

玳筵銀燭徹宵明。白玉佳人唱渭城。更盡一杯須起舞。關河秋月不勝情。

李觀七首

王方平



五百餘年別恨多東征重得見青娥  
擗麟始擬窮歡樂不奈人閒背癢何

梁帝

凝旒南面總虛名廟祀何曾暫割牲  
但學禪心能忍辱莫羞侯景陷臺城

璧月

璧月迢迢出暮山素娥心事問應難  
世閒最解悲圓缺只有方諸淚不乾

憶錢唐

當年乘醉舉歸帆隱隱前山日半銜  
好是滿江涵返照水

仙○齊○著○淡○紅○衫○

送僧遊廬山

行○非○爲○客○住○非○家○此○去○廬○山○況○不○遐○要○見○南○朝○舊○人○物○池○  
中○惟○有○白○蓮○花○

睡起

簾○卷○鱗○紋○帳○繫○紗○六○龍○西○降○樹○陰○斜○祇○因○夢○裏○成○蝴○蝶○猶○  
記○南○園○數○種○花○

晚角

腸○斷○城○頭○畫○角○聲○燈○昏○月○黑○酒○微○醒○濃○香○夢○裏○何○曾○管○只○  
有○離○人○夜○夜○聽○



周敦頤一首

江上別石郎中

落○葉○蟬○聲○古○渡○頭○沙○灘○人○擁○欲○行○舟○別○離○情○似○長○江○水○遠○亦○隨○君○日○夜○流○

邵雍一首

天津感事

陽○烏○西○去○水○東○流○今○古○推○移○幾○度○秋○四○面○遠○山○長○歛○黛○不○知○終○日○為○誰○愁○

程顥一首

春日訪張子直承出看花戲書學舍



桃李飄零杏子青。滿城車馬響春霆。就中得意張公子。十日花前醉不醒。

王安石七首

題畫扇

玉斧修成寶月團。月中仍有女乘鸞。青冥風露非人世。鬢亂釵橫特地寒。

烏塘

烏塘渺渺綠平隄。隄上行人各有攜。試問春風何處好。辛夷如雪柘岡西。

古寺

寥寥蕭寺半遺基。遊客經年斷履綦。猶有齊梁舊時殿。塵昏金像雨昏碑。

與黃道原過西莊遊寶乘

周顒宅作阿蘭若。婁約身歸窳堵坡。今日隱侯孫亦老。偶尋陳迹到煙蘿。

書湖陰先生壁

茆檐長掃靜無苔。花木成畦手自栽。一水護田將綠繞。兩山排闥送青來。

送和甫至龍安微雨因寄吳氏女子

荒煙涼雨助人悲。淚染衣巾不自知。除卻春風沙際綠。一



如○看○汝○過○江○時○

在鍾山官牀與客夜坐

殘○生○傷○性○老○耽○書○年○少○東○來○復○起○予○各○據○槁○梧○同○不○寐○偶○  
然○聞○雨○落○階○除○

陶弼一首

途次葉縣見千葉桃花

二○月○官○桃○滿○上○林○一○花○千○萼○費○春○心○葉○公○城○外○襄○河○岸○一○  
樹○無○人○色○更○深○

楊備一首

桃葉渡



桃。葉。桃。根。柳。岸。頭。獻。之。才。調。頗。風。流。相。看。不。語。橫。波。急。艇。  
子。翻。成。送。暮。愁。

陳輔一首

訪建康楊驥題壁

北。山。松。粉。未。飄。花。白。下。風。清。麥。腳。斜。身。似。舊。時。王。謝。燕。一。  
年。一。度。到。君。家。  
王介甫有和陳輔秀才金陵書事卽此詩

米黻一首

垂虹亭

斷。雲。一。葉。洞。庭。帆。玉。破。鱸。魚。霜。破。柑。好。作。新。詩。寄。桑。苧。垂。  
虹。秋。色。滿。東。南。

文同一首

曉雪湖上寄景孺

朔風吹雪滿橫湖。眾鳥歸棲日欲晡。獨坐水軒人不到。滿林如挂暝禽圖。

賀鑄三首

題定林寺

破冰泉脈漱籬根。壞衲遙疑挂樹猿。蠟屐舊痕尋不見。東風先爲我開門。

同張漢求宿升中院西寮

僧閣窗扉學畫船。青熒燈火對牀眠。秋風帶雪披檐竹。渾



似瀟湘夜泊天

阻風小姑山晚晴

小姑山下晚波恬。委媚青鬟玉鏡奩。借與彭郎作眉樣。西南初月正尖纖。

劉季孫一首

題屏上

呢喃燕子語梁閒。底事來驚夢裏閒。說與傷人應不解。杖藜攜酒看芝山。

郭祥正三首

見杏花



原武城西看杏花紛紛紅雪委泥沙何如姑孰溪頭見照  
水蒙煙小謝家

江上

渡江乘興泊江干草襯殘花色未乾慣在釣魚船上住一  
蓑一笠伴春寒

出城

籃輿投曉出重城桃李無言似有情淡白輕紅能幾日可  
憐吹洗過清明

袁世弼二首

贈郭功父

從·來·多·病·王·僧·祐·自·小·能·文·謝·惠·連·各·厭·塵·勞·思·物·外·莫·  
辭·攜·手·訪·林·泉·

雪·後·沾·溪·水·更·深·冥·冥·寒·雨·作·連·陰·旅·懷·未·可·頓·消·遣·思·  
與·洛·生·溪·上·吟·

歷朝詩約選七十九終



七言絕句八 北宋二

歷朝詩約選八十

蘇軾八十六首

讀開元天寶遺事 三首

錄一

琵琶弦急袞梁州。羯鼓聲高舞臂鞦。破費八姨三百萬。大唐天子要纏頭。

驪山絕句

功成雖欲善持盈。可嘆前王恃太平。辛苦驪山山下土。阿房纔廢又華清。

陌上花三首 并序

游九仙山聞里中兒歌陌上花吳越王妃每歲春必歸臨安王以書遺妃曰陌上花開可緩緩歸矣



吳人用其語為歌含思宛轉聽之凄然而其詞鄙野為易之云

陌上花開蝴蝶飛江山猶是昔人非  
遺民幾度垂垂老游女長歌緩緩歸

陌上山花無數開路人爭看翠輦來  
若為畱得堂堂去且更從教緩緩回  
生前富貴草頭露身後風流陌上花  
且作遲遲君去魯猶歌緩緩妾回家

陽關詞三絕

受降城下紫髯郎戲馬城南古戰場  
恨君不取契丹首金甲牙旗歸故鄉

右贈張繼願

濟南春好雪初晴。行到龍山馬足輕。使君莫忘雪溪女。時  
作陽關腸斷聲。右答李公擇

暮雲收盡溢清寒。銀漢無聲轉玉盤。此生此夜不長好。明

月明年何處看。右中秋月

宿建封寺曉登盡善堂望韶石

雙闕浮光照短亭。至今猿鳥歎青熒。君王自此西巡狩。再  
使魚龍舞洞庭。

蜀人文賦楚人詞。堯在崇山舜九疑。聖主若非真得道。南  
來萬里亦何爲。

嶺海東南月窟西。功成天已錫玄圭。此方定是神仙宅。禹



亦東來隱會稽

臨安三絕

選一

阿堅澤畔菰蒲節  
玄德牆頭羽葆桑  
不會世閒閑草木  
與人何事管興亡

右將軍樹

望海樓晚景

海上濤頭一線來  
樓前指顧雪成堆  
從今潮上君須上  
更看銀山二十回

橫風吹雨入樓斜  
壯觀應須好句誇  
雨過潮平江海碧  
電光時掣紫金蛇

青山斷處塢層層  
隔岸人家喚欲膺  
江上秋風晚來急  
爲



傳鐘鼓到西興。  
樓下誰家燒夜香。  
玉笙哀怨弄初涼。  
臨風有客吟秋扇。  
拜月無人見晚妝。

沙河燈火照山紅。  
歌鼓喧呼語笑中。  
爲問少年心在否。  
角巾敲側鬢如蓬。

六月二十七日望海樓醉書

黑雲翻墨未遮山。  
白雨跳珠亂入船。  
卷地風來忽吹散。  
望湖樓下水如天。

八月十五上看潮

定知玉兔十分圓。  
已作霜風九月寒。  
寄語重門休上鑰。  
夜

潮。留。向。月。中。看。  
萬。人。鼓。噪。懾。吳。儂。猶。似。浮。江。老。阿。童。欲。識。潮。頭。高。幾。許。越。  
山。渾。在。浪。花。中。

江。神。河。伯。兩。醢。雞。海。若。東。來。氣。吐。霓。安。得。夫。差。水。犀。手。三。  
千。疆。弩。射。潮。低。  
吳。越。王。嘗。以。弓。弩。射。潮。頭。與。海。神。戰。自。爾。水。不。近。城。

澄邁驛通潮閣

倦。客。愁。聞。歸。路。遙。眼。明。飛。閣。俯。長。橋。貪。看。白。鷺。橫。秋。浦。不。  
覺。青。林。沒。晚。潮。

餘。生。欲。老。海。南。邨。帝。遣。巫。陽。招。我。魂。杳。杳。天。低。鶻。沒。處。青。  
山。一。髮。是。中。原。



金山夢中作

江東賈客木綿裘會散金山月滿樓夜半潮來風又烈臥  
吹簫筦到揚州

壽陽岸下絕句

街東街西翠帷成池南池北綠錢生幽人獨來帶殘雨聞  
得黃鸝第一聲

慈湖峽阻風

此生歸路愈茫然無數青山水拍天猶有小船來賣餅喜  
聞墟落在山前  
我行都是退之詩真有人家水半扉千頃桑麻在船底空



餘石髮挂魚衣

日輪亭午汗珠融。誰識南訛長養功。暴雨過雲聊一快。未妨明月卻當空。

虔州八境圖

濤頭寂寞打城還。章貢臺前暮靄寒。倦客登臨無限思。孤雲落日。是長安。

朱樓深處日微明。阜蓋歸時酒半醒。薄暮漁樵人去盡。碧溪青嶂繞螺亭。

和文與可洋州園池

朱闌畫柱照湖明。白葛烏紗曳履行。橋下龜魚晚無數。識

君拄杖過橋聲。右湖橋

貪看翠蓋擁紅妝。不覺湖邊一夜霜。卷卻天機雲錦斷。從

教匹練寫秋光。右橫湖

秋歸南浦。蟬。蛄。鳴。霜。落。橫。湖。沙。水。清。臥。雨。幽。花。無。限。思。抱

叢寒蝶不勝情。右蓼嶼

漾水東流舊見經。銀潢左界上通靈。此臺試向天文覓。閣

道中間第幾星。右天漢臺

溶溶晴港漾春暉。蘆筍生時柳絮飛。還有江南風物否。桃

花流水鱖魚肥。右寒蘆港

懷口令陳德任新作占山亭



尚。父。提。封。海。岱。間。南。征。唯。到。穆。陵。關。誰。知。海。上。詩。狂。客。占。得。膠。西。一。半。山。

我。是。膠。西。舊。使。君。會守密州此。山。仍。合。與。君。分。故。應。竊。比。山。中。

相。時。作。新。詩。寄。白。雲。

王復秀才所居雙檜

吳。王。池。館。徧。重。城。奇。草。幽。花。不。記。名。青。蓋。一。歸。無。覓。處。只。畱。雙。檜。待。升。平。

單同年求德興俞氏聚遠樓詩

聞。說。樓。居。似。地。仙。不。知。門。外。有。塵。寰。幽。人。隱。几。寂。無。語。心。在。飛。鴻。滅。沒。閒。



南堂

江。上。西。山。半。隱。隄。此。邦。臺。館。一。時。西。南。堂。獨。有。西。南。向。臥。  
看。千。帆。落。淺。溪。  
掃。地。焚。香。閉。閣。眠。簟。紋。如。水。帳。如。煙。客。來。夢。覺。知。何。處。挂。  
起。西。窗。浪。接。天。

溪陰堂

白。水。滿。時。雙。鷺。下。綠。槐。高。處。一。蟬。吟。酒。醒。門。外。三。竿。日。臥。  
看。溪。南。十。畝。陰。

孟震同遊常州僧舍

年。來。轉。覺。此。生。浮。又。作。三。吳。浪。漫。遊。忽。見。東。平。孟。君。子。夢。

中相對說黃州

書雙竹湛師房

暮鼓朝鐘自擊撞。閉門孤枕對殘缸。白灰旋撥通紅火。臥聽蕭蕭雪打窗。

醉題信老方丈

鶴作精神松作筋。階庭蘭玉一時新。願君且住三千歲。長與東坡作主人。

歸宜興畱題竹西寺

十年歸夢寄西風。此去真爲田舍翁。賸覓蜀岡新井水。要攜鄉味過江東。

此。生。已。覺。都。無。事。今。歲。仍。逢。大。有。年。山。寺。歸。來。聞。好。語。野  
花。啼。鳥。亦。欣。然。

與莫同年雨中飲湖上

到。處。相。逢。是。偶。然。夢。中。相。對。兩。華。顛。還。來。一。醉。西。湖。雨。不  
見。跳。珠。十。五。年。

飲湖上初晴後雨

水。光。瀲。灩。晴。方。好。山。色。空。濛。雨。亦。奇。欲。把。西。湖。比。西。子。淡  
妝。濃。抹。總。相。宜。

朝。曦。迎。客。宴。重。岡。晚。雨。畱。人。入。醉。鄉。此。意。自。佳。君。不。會。一  
杯。當。屬。水。仙。王。

湖中有水仙王廟



縱筆

白頭蕭散滿霜風。小閣藤牀寄病容。  
報道先生春睡美。道人輕打五更鐘。

絕句三首

松栢蕭森谿水南。道人只作兩團菴。  
市區收罷豚魚稅。來與彌陀共一龕。

此身分付一蒲團。靜對蕭蕭竹數竿。  
偶爲老僧煎茗粥。白攜修綆汲清泉。  
天風吹月入闌干。烏鵲無聲夜向闌。  
織女明星來枕上。乃知身不在人間。

絕句

柴桑春曉思依依。屋角鳴鳩雨欲飛。昨日已收寒食火。吹花風起卻添衣。

峨峨疊石立何孤。賴有蕭蕭翠竹俱。日暮無人鷗鳥散。空畱遠水伴寒蘆。

縱筆

父老爭看烏角巾。應緣會現宰官身。谿邊古路三叉口。獨立斜陽數過人。

上元夜游絕句

午夜朧朧澹月黃。夢回猶有暗塵香。縱橫滿地霜槐影。寂



歷朝詩選卷八十  
八  
冥○蓮○燈○半○在○亡○

子由將赴南都與余會宿於逍遙堂作兩絕句讀之

殆不可爲懷因和其詩以自解

別○期○漸○近○不○堪○聞○風○雨○蕭○蕭○已○斷○魂○猶○勝○相○逢○不○相○識○形○  
容○變○盡○語○音○存○

余去杭十六年而復來畱二年而去平生自覺出處

老少粗似樂天雖才名相遠而安分寡求亦庶幾

焉二月六日來別南北山諸道人而下天竺惠淨

師以醜石贈行作三絕句

當○年○雙○鬢○兩○青○青○強○說○重○臨○慰○別○情○衰○髮○祇○今○無○可○白○故○



應。相。對。話。來。生。

出。處。依。稀。似。樂。天。敢。將。衰。朽。較。前。賢。便。教。洛。社。休。官。去。猶。有。閒。居。二。十。年。

別公擇

黍。離。不。復。閔。宗。周。何。暇。雷。塘。弔。一。邱。若。問。西。來。祖。師。意。竹。西。歌。吹。是。揚。州。

贈孫莘老

嗟。余。與。子。久。離。羣。耳。冷。心。灰。百。不。聞。若。對。青。山。談。世。事。當。須。舉。白。便。浮。君。

夜。橋。燈。火。照。溪。明。欲。放。扁。舟。取。次。行。暫。借。官。奴。遣。吹。笛。明。

朝新月到三更。四時風氣。吹如大。行。雲。白。日。駱。駝。橋。下。泊。恣。  
三。年。京。國。厭。藜。蒿。長。羨。淮。魚。壓。楚。糟。今。日。駱。駝。橋。下。泊。恣。  
看。脩。網。出。銀。刀。  
烏。程。霜。稻。襲。人。香。釀。作。春。風。雪。水。光。時。復。中。之。徐。邈。聖。母。  
多。酌。我。次。公。狂。

李委吹笛

并引

元符五年十二月十九日東坡生日也置酒赤壁磯下  
踞高峰俯鵲巢酒酣笛聲起於江上客有郭石二生頗  
知音謂坡曰笛聲有新意非俗工也使人問之則進士  
李委聞坡生日作新曲曰鶴南飛以獻呼之使前則青



巾紫裘要笛而已既奏新曲又快作數弄嘹然有穿雲  
裂石之聲坐客皆引滿醉倒委乃袖出嘉紙一幅曰吾  
管無求于公得一絕句足矣坡笑而從之  
山頭孤鶴向南飛載我南遊到九疑下界何人也吹笛可  
憐時復犯龜茲

次韻子由贈吳子野先生  
江令蒼苔圍故宅謝家語燕集華堂先生笑說江南事只  
有青山繞建康

僕年三十九在潤州道上過除夜作此詩又二十年  
在惠州錄之以付過



寺官官小未朝參紅日半窗春睡酣爲報隣雞莫驚覺更  
容殘夢到江南

元祐六年六月自杭州召還汶公館我於東堂閱舊

詩卷次諸公韻

半熟黃梁日未斜玉堂陰合手栽花卻思三十年前味未  
飯鐘時已飯茶

次韻王忠玉遊虎邱絕句

當年大白此相浮老守娛賓得二邱白髮重來故人盡空  
餘叢桂小山幽

郡人有閩邱公太守王規父嘗云不  
謁虎邱卽謁閩邱規父忠玉伯父也

次韻郭功甫

可憐倦鳥不知時。空羨騎鯨得所歸。玉局西南天一角。萬人沙苑看孤飛。

次韻穆父馬上寄穎叔

玉關不用一丸泥。自有長城鳥鼠西。剩與故人尋土物。臘糟紅麴寄駝蹄。

謝宋漢傑送李承宴墨

老松燒盡結輕花。妙法來從北李家。翠色冷光何所似。牆東鬢髮墮寒鷗。

惠崇春江晚景

竹外桃花三兩枝。春江水暖鴨先知。蒹蒿滿地蘆芽短。正



是河豚欲上時。

郭熙秋山平遠

目盡孤鴻落照邊。遙知風雨不同川。此閒有句無人識。送與襄陽孟浩然。

陳季常所蓄朱陳邨嫁娶圖

我是朱陳舊使君。勸農曾入杏花村。而今風物那堪。盡縣吏催錢夜打門。

書王晉卿畫西塞風雨

斜風細雨到來時。我本無家何處歸。仰看雲天真弱笠。旋收江海入蓑衣。



題王晉卿畫後

醜石半蹲山下虎長松倒臥水中龍  
試君眼力看多少數到雲峰第幾重

書林次中所得李伯時歸去來陽關二圖後

不見何戡唱渭城舊人空數米嘉榮龍眠獨識殷勤處  
畫出陽關意外聲

書李世南所畫秋景

野水參差落漲痕疎林敲倒出霜根  
扁舟一櫂歸何處家在江南黃葉村

和孔密州二首

梨花淡白柳深青，柳絮飛時花滿城。  
惆悵東闌一株雪，人

生看得幾清明。

東闌梨花

何人把酒慰深幽，開自無聊落更愁。  
幸有清溪三百曲，不辭相送到黃州。

梅花

出題次韻楊公濟奉議梅花

月地雲階漫一尊，玉奴終不負東昏。  
臨春結綺荒荆棘，誰信幽香是返魂。

再和楊公濟梅花

人去殘英滿酒尊，不堪細雨溼黃昏。  
夜寒那得穿花蝶，知是風流楚客魂。



北客南來豈是家。醉看參月半橫斜。他年欲識吳姬面。秉燭三更對此花。

蘇轍二首

逍遙堂與子瞻會宿

逍。遙。堂。後。千。尋。木。長。送。中。宵。風。雨。聲。誤。喜。對。牀。尋。舊。約。不。知。漂。泊。在。彭。城。

秋來東閣涼如水。客去山公醉似泥。困臥北窗呼不醒。風吹松竹雨淒淒。

歷朝詩約選卷八十終



...

...

...

...

...

...

...

...

...

...

七言絕句九

北宋三

歷朝詩約選八十一

黃庭堅五十一首

和陳君儀讀太真外傳

扶風喬木夏陰合斜谷鈴聲秋夜深人到愁來無處會不  
關情處總傷心  
梁州一曲當時事記得曾拈玉笛吹端正樓空春晝永小  
桃猶學淡胭脂

魏夫人壇

獨埽蛾眉作遠山春風瑤草照朱顏我來欲問許玉斧二  
十四峰如髻鬟



題伯時畫嚴子陵釣灘

平生久要劉文叔不肯為渠作三公能令漢家重九鼎桐江波上一絲風

題李伯時畫陽關圖

斷腸聲裏無形影畫出無聲亦斷腸想得陽關更西路北風低草見牛羊

無題

千詩織就迴文錦如此陽臺暮雨何亦有聰明蘇蕙手更無悔過竇連波

觀化



南山之役偶得小詩一十五首書示同懷不及料  
簡銓次夫物與我若有境吾不見其邊憂與樂相  
過乎前不知其所以然此其物化  
歟亦可以觀矣故寄名曰觀化

柳外花中百鳥喧相媒相和隔春煙黃昏寂寞無言語恰  
似人歸鑱管弦

生涯瀟洒似吾廬人在青山遠近居泉響風搖蒼玉佩月  
高雲插水晶梳

山回路轉水深深欲問津頭谷鳥吟隔岸野花隨意發小  
蹊猶憶去年尋

故人去後絕朱弦不報雙魚已隔年鄰笛風飄月中起碧  
雲爲我作愁天

菰蒲短短未出水。渺渺春湖如凍雲。安得酒船三萬斛。棹歌長入白鷗羣。  
不知喜事在誰邊。風結燈花何太妍。恐是鄰家醅瓮熟。竹渠今夜滴春泉。  
柳似羅敷十五餘。宮腰舞罷不勝扶。年年折在行人手。爲問春風管得無。  
紅羅步障三十里。憶得南溪躑躅花。馬上春風吹夢去。依稀人摘雨前茶。  
竹筍初生黃犢角。蕨芽已作小兒拳。試尋野菜炊香飯。便是江南二月天。



身入醉鄉如避秦。醒時塵事百端新。塞鴻過盡無家信。海  
燕歸來思故人。

身。前。身。後。與。誰。同。花。落。花。開。畢。竟。空。千。里。追。犇。兩。蝸。角。百  
年。得。意。大。槐。宮。

雜詩

此身天地一蘧廬。世事消磨綠鬢疎。畢竟幾人真得鹿。不  
知終日夢爲魚。

營巢燕燕幾時休。在處成家春復秋。歲自來還自去。主  
人無厭客無求。

館甥宮裏嘆才難。當日同朝聽百官。光武早知堯舜事。只



今那得子陵灘

少年不愛萬金身。歌舞尋春愁送春。滿眼紛華心寂寞。長安市上酒家人。

碧窗涼簟惟便睡。露井無塵蔭綠槐。夢入醉鄉猶病渴。轆轤聲到枕邊來。

六月十七日晝寢

紅塵席帽烏鞞裏。想見滄洲白鳥雙。馬齧枯萁諠午枕。夢成風雨浪翻江。

北窗

生物趨功日夜流。園林才夏麥先秋。綠陰黃鳥北窗簟。付

與來禽安石榴

春近

閨後陽和臘裏回。濛濛小雨暗樓臺。  
柳條榆莢弄顏色。便恐入簾雙燕來。

戲和舍弟船場探春

雨餘禽語催天曉。月上梨花放夜闌。  
莫聽遊人待妍暖。十分傾酒對春寒。  
百舌解啼泥滑滑。忽成風雨落花天。  
城南一段春如錦。喚取詩人到酒邊。

夜聞鄰舟崔家兒歌



半夜聞歌客寢驚空餘縹渺渡江聲湘妃舞罷波紋冷月  
欲銜山天未明

大暑水閣聽晉卿家昭華吹笛

蘄竹能吟水底龍玉人應在月明中何時爲洗秋空熱散  
作霜天落葉風

雨中登岳陽樓望君山

投荒萬死鬢毛斑生入瞿塘灩澦關未到江南先一笑岳  
陽樓上對君山

滿川風雨獨凭欄綰結湘娥十二鬟可惜不當湖水面銀  
山堆裏看青山



鄂州南樓懷舊

四顧山光接水光。凭闌十里芰荷香。清風明月無人管。併作南樓一味涼。

武昌參佐幕中畫。我亦來追六月涼。老子平生殊不淺。諸君少住對胡牀。

病起荆江亭卽事

翰墨場中老伏波。菩提坊裏病維摩。近人積水無鷗鷺。時有歸牛浮鼻過。

十月十五日早飯清都觀逍遙堂

心遊魏闕魚千里。夢覺邯鄲黍一炊。蔬食菜羹吾亦飽。逍

風草詩選卷八十一  
五  
遙亭下葉辭枝

夜發分寧寄杜澗叟

陽關一曲水東流。燈火旌陽一釣舟。我自只如常日醉。滿川風雨替人愁。

雪後登南禪茅亭簡張仲謀

雪後憑高望洛都。萬峰遮眼白模糊。相將閬苑樓臺上。展盡山陰水墨圖。

同元明過洪福寺戲題

洪福僧園拂紺紗。舊題塵壁似昏鴉。春殘已是風和雨。更著遊人撼落花。



贈石敏君

才似謫仙惟欠酒情如宋玉更逢秋相看領會一談勝注  
目長江天際流

呈外舅孫莘老

九陌黃塵烏帽底五湖春水白鷗前扁舟不爲鱸魚去收  
取聲名四十年

甓社湖中有明月淮南草木借光輝故應剖蚌登王府不  
若含沙弄夕暉

次韻向和卿行松滋縣與鄒天錫夜語南極亭

衝風衝雨走七縣惟有白鷗盟未寒坐中更有江南客開



歷朝詩選卷八十一  
六  
盡南窗借月看

奉答李和甫代簡二絕句

山色江聲相與清。卷簾待得月華生。可憐一曲竝船笛。說盡故人離別情。

夢中往事隨心見。醉裏繁華亂眼生。長爲風流惱人病。不如天性總無情。

戲答陳季常寄黃州山中連理松枝

故人折松寄千里。想聽萬壑風泉音。誰言五鬣蒼煙面。猶作人間兒女心。

酴醾

漢宮嬌額半塗黃。人骨濃熏賈女香。日色漸遲風力細，倚闌偷舞白霓裳。

竹枝詞二首

古樂府有巴東三峽巫峽長猿鳴三聲淚霑裳但以抑怨之音和為數疊惜其聲今不傳予自荊州上峽入黔中備嘗山川險阻因作二疊傳與巴娘令以竹枝歌前一疊可和云鬼門關外莫言遠五十三驛是皇州後一疊可和云鬼門關外莫言遠四海一家皆弟兄或各用四句入陽關小秦王亦可歌也

撐崖拄谷蝮蛇愁。入箐攀天猿掉頭。鬼門關外莫言遠。五十三驛是皇州。

浮雲一百八盤縈。落日四十九度明。鬼門關外莫言遠。四海一家皆弟兄。



予既作竹枝詞夜宿歌羅驛夢李白相見於山閒曰  
予往謫夜郎於此聞杜鵑作竹枝詞三疊世傳之  
否予細憶集中無有請三誦乃得之

一聲望帝花片飛萬里明妃雪打圍馬上胡兒那解聽  
琵琶應道不如歸

竹竿坡面蛇倒退摩圍山腰胡孫愁杜鵑無血可續淚何  
日金雞赦九州

命輕人鮓鑿頭船日瘦鬼門關外天北人墮淚南人笑青  
壁無梯聞杜鵑

題驢瘦嶺馬鋪

黃知命



老馬飢嘶驢瘦嶺病人生入鬼門關病人甘作五溪臥老馬猶思十二閑

上南陵坡

黃知命

風餐水宿六千里蛇退猿愁百八盤上得坡來總歡喜摩圍依約見峰巒

晁補之十八首

陌上花

娘子歌傳樂府悲當年陌上看芳菲曼聲更緩何妨緩莫似東風火急歸  
荆王夢罷已春歸陌上花隨暮雨飛卻喚江船人不識杜

秋紅淚滿羅衣。

雲母蠻牋作信來。佳人陌上看花回。妾行不似東風急。爲報花顏緩緩開。

揚州雜詠

阜英村南三四里。春江不隔一程遙。雙堤鬪起如牛角。知是隋家萬里橋。

望香爐峰

危樓曲徑羣巖徧。蠟屐青鞋到處逢。更上五峰雙劍表。香爐依舊半天中。

新城塔山對雨



山外圓天一鏡開。山頭雲起似浮埃。松吟竹舞水紋亂。坐見溪南風雨來。

同柳戒之夜過三學院

步月尋溪過佛齋。溪邊石蘚溼芒鞋。虛窗獨臥聽松竹。半夜一山風雨來。

將別歷下

來見紅蕖溢渚香。歸途未變柳梢黃。殷勤躡突溪中水。相送扁舟向汶陽。

鴛鴦鷓鴣繞魚梁。搖漾山光與水光。不管使君征棹遠。依然飛下舊池塘。



將行陪貳車觀燈

行歌紅粉滿城歡。猶作常時五馬看。忽憶使君身是客。一時揮淚逐金鞍。

譙郡對酒憶玉函山

齊州西樓對此山

不遣西樓對此山。宋譙頻綴副車銜。今年重污花前酒。猶是揚州別駕衫。

泊舟山陽偶題

五歲淮山一夢新。扁舟曾繫市橋春。津亭石磴雙垂柳。見我依依似故人。

泊思禪寺呈廖明略其地蓋干越寺在琵琶洲

遲君干越思禪寺。彌月忘歸住翠嵐。忽見琵琶洲上月。始驚全室在天南。

栗區村與無斃別

十年投分皆卿相。四海論心只弟昆。老憶躬耕困隨牒。春風揮淚栗區村。

皖口寄懷前太平守陳公度

龍舒人

常愛東林早拂衣。我行曾不叩荆扉。憑君天柱峰頭望。看我扁舟幾日歸。

外甥杜寺丞永城守水作詩寄呈

雪消冰動看通津。草長江南岸。春莫唱龍舟。五更曲揚。



州楊柳解愁人。

自畫山水留春堂。大屏題其上。

胸中正可吞雲夢。盞底何妨對聖賢。有意清秋入廬霍。爲君無盡寫江天。

題工部文侍郎周翰郭熙平遠

洞庭木落萬波秋。說與南人亦自愁。欲指吳淞何處是。一行征雁海山頭。

張耒三首

懷金陵

曾作金陵爛漫遊。北歸塵土變衣裘。菱荷聲裏孤舟臥。



入江○南○第○一○州○

雨中題壁

去○年○此○日○泊○瓜○洲○衰○柳○蕭○蕭○客○繫○舟○白○髮○天○涯○嘆○流○落○今○  
宵○聽○雨○古○宣○州○

泊楚州鎮外

莫○愁○家○住○大○堤○邊○朱○閣○青○樓○映○暮○川○斜○照○清○淮○一○梳○月○晚○  
妝○相○對○鬪○嬋○娟○

秦觀一首

泗州城東晚望

渺○渺○孤○城○白○水○環○舳○舻○人○語○夕○陽○閒○林○梢○一○抹○青○如○畫○知○

是淮流轉處山  
是淮流轉處山  
是淮流轉處山  
是淮流轉處山  
是淮流轉處山  
是淮流轉處山  
是淮流轉處山  
是淮流轉處山  
是淮流轉處山  
是淮流轉處山

楊克一 一首

遺榮陽公

露。白。霜。紅。郭。外。田。山。濃。水。澹。欲。寒。天。參。軍。抱。病。陪。清。賞。一。  
檄。呼。歸。亦。可。憐。

寇國寶 一首

晚泊

黃。葉。西。陂。水。漫。流。簾。條。風。急。滯。扁。舟。夕。陽。暝。色。來。千。里。人。  
語。雞。聲。共。一。邱。

晁公遯 三首



感事首

征衣消盡洛陽塵。泣向東風拭淚痕。不及青春歸有信。一年一到樂游園。

秋江

秋江水清不勝綠。還與漢江顏色同。望中百鳥忽飛去。落日丹楓相映紅。

詠餅中梅

折得寒香日暮歸。銅餅添水養橫枝。書窗一夜月初滿。卻似小溪清淺時。

韓駒三首

行至華陰呈舊同舍

落日同騎款段遊。倦依松石弄清流。  
蓬萊漢殿春分手。一笑相逢太華秋。

謝人送鳳團及建茶

白髮先朝舊史官。風爐煮茗暮江寒。  
蒼龍不復從天下。拭淚看君小鳳團。

代葛亞卿作

君住江邊起畫樓。妾居海角送潮頭。  
潮中有妾相思淚。流到樓前更不流。

謝薏一首



絕句

靡靡江蘼只喚愁眼中何物可忘憂  
棟花淨盡綠陰滿纔見一枝安石櫓

鄒浩二首

謝呂絢

平生親友漫紛紛有幾書來寂寞濱  
二十萬錢捐不惜可憐湖外有斯人

瀟湘起柁出江湖日日乾坤展畫圖  
白酒紅魚對妻子鴟夷還似此行無

按道鄉先生放衡昭時有市戶呂絢者零陵人嘗以錢二十萬造大舟以俟先生後

北歸呂復以舟送至江南先生謝以五絕句云

喻汝勵二首

湖湘路中見梅花寄子開

折得寒梅自水濱。恰如去歲在宜春。  
瀟湘不見江南客。祇有花枝似故人。

泊真州新河亭

鬢毛垂雪欲毵毵。道路風波老不堪。  
繫纜短亭聊自慰。青山數點見江南。

王庭珪一首

次韻劉惠直梅花

雪壓寒梢玉作容。嶺南相見又東風。  
人間欲問春消息。半



在竹橋溪影中

王銍一首

曉發石牛

愵愵車馬出清晨日澹風微已仲春松竹陰中山未盡梅花林外有行人

楊傑一首

太白桃花潭

桃花潭似武陵溪太白仙舟去路迷岸上踏歌人不見年年空有鷓鴣啼

舒亶一首

湖心亭

吹落清香縹緲風樓臺彷彿水邊紅人閒誰是丹青手畫  
取春湖細雨中

太白湖心亭

謝勳一首

蘇軾水竹行  
人見道風波若不驚  
蘇軾水竹行  
人見道風波若不驚

蘇軾水竹行  
人見道風波若不驚  
蘇軾水竹行  
人見道風波若不驚

謝勳一首

王維一首

歷朝詩約選卷八十一終



七言絕句十

南宋

歷朝詩約選八十二

陳與義二首

城上晚思

獨。凭。危。堞。望。蒼。梧。落。日。君。山。似。畫。圖。無。數。柳。花。飛。滿。岸。晚。風。吹。過。洞。庭。湖。

有感再賦

憶。得。甲。辰。重。九。日。天。恩。曾。預。宴。城。東。龍。沙。此。日。西。風。冷。誰。折。黃。花。壽。兩。宮。

陸游二十九首

楚城

江上荒城猿鳥悲。隔江便是屈原祠。一千五百年間事。只有灘聲似舊時。

### 重陽

照江丹葉一林霜。折得黃花更斷腸。商略此時須痛飲。細腰宮畔過重陽。

### 小雨極涼舟中熟睡至夕

舟中一雨掃飛蠅。半脫綸巾臥紫藤。清夢初回窗日晚。數聲柔櫓下巴陵。

### 梅花絕句

濯錦江邊憶舊遊。纒頭百萬醉青樓。而今莫索梅花笑。古



驛燈前各自愁。

題四仙像

薊子訓

世上年光東逝波。咸陽銅狄幾摩挲。神仙不死成何事。只向秋風感慨多。

讀晉書

諸公日飫萬錢廚。人乳蒸豚玉食無。誰信秋風洛城裏。有人歸棹爲蓴鱸。

劍門道中遇微雨

衣上征塵雜酒痕。遠遊無處不銷魂。此身合是詩人未。細雨騎驢人劍門。

劍門城北回望劍關諸峰青入雲漢感蜀亡事慨然

有賦

自昔英雄有屈信危機變化亦逡巡陰平窮寇非難禦如  
此江山坐付人

蘭亭道上

湖上青山古會稽斷雲漠漠雨淒淒籃輿晚過偏門市滿  
路春泥聞竹雞  
箭箠弓弣小獵回壯心自笑未低催前身家近盤聞路曾  
看吳王射雉來

東關



煙水蒼茫西復東。扁舟又繫柳陰中。三更酒醒殘燈在。臥聽蕭蕭雨打篷。

乙丑夏秋之交小舟早晚往來湖中戲成絕句

橫林渺渺夜生煙。野水茫茫遠拍天。菱唱一聲驚斷夢。始知身在釣魚船。

春日雜興

行人陌上思悠悠。十里斜陽古渡頭。一片落花無覓處。只教芳草管閒愁。

夏日雜興

午夢初回理舊琴。竹樓重炷海南沈。茅檐三日蕭蕭雨。又

展芭蕉數尺陰

初冬雜題

苦嫌風雨作新寒一樹青楓已半丹  
身在范寬圖畫裏小樓西角剩憑闌

倚樓

曲曲闌干縹緲閒哦詩本欲破除閑無端  
又起天涯感淡墨生綃數點山

舍北望水鄉風物戲作絕句

西風沙際矯輕鷗落日橋邊繫釣舟  
乞與畫工團扇本青林紅樹一川秋



雨中山行至松風亭忽澄霽

煙雨千峰擁髻鬢忽看青嶂白雲閒卷藏破墨營邱畫卻展將軍著色山

懷舊

翠崖紅棧鬱參差小益初呈景最奇誰向毫端收拾得李將軍畫少陵詩

飲張功父園戲題扇上

寒食清明數日中西園春事又怱怱梅花自避新桃李不爲高樓一笛風

余年二十時嘗作菊花詩頗傳於人今秋偶復采菊

縫枕囊悽然有感

采得黃花作枕囊。曲屏深幌幽香喚。回四十二年夢燈。暗無人說斷腸。

少日曾題菊枕詩。蠹編殘稿鎖蛛絲。人間萬事消磨盡。只有清香似舊時。

聞雁

過盡梅花把酒稀。熏籠香冷換春衣。秦關漢苑無消息。又在江南送雁歸。

聞新雁有感

新雁南來此影孤。冷雲深處宿菰蘆。不知湘水巴陵路。曾



記漁陽上谷無

夜歸偶懷故人獨孤景略

買酒村場半夜歸  
西山落月照柴扉  
劉琨死後無奇士  
獨聽荒雞淚滿衣

和高子長參議道中

梁州四月晚鶯啼  
共憶扁舟罨畫谿  
莫作世閒兒女態  
明年萬里駐安西

夜讀范至能攬轡錄言中原父老見使者多揮涕感

其事作絕句

公卿有黨排宗澤  
帷幄無人用岳飛  
遺老不應知此恨  
亦

逢漢節解沾衣

追感往事

諸公可嘆善謀身。誤國當時豈一秦。  
不望夷吾出江左。新亭對泣亦無人。

雜感

故舊書來訪死生。時聞剝啄叩柴荆。  
自嗟不及東家老。至死無人識姓名。

范成大一首

浙江小磯春日

客裏無人共酒杯。故園桃李爲誰開。  
春潮不管天涯恨。更



捲西興暮雨來

蕭德藻二首

清明日早出太平門

江頭楊柳暗藏鴉  
江上鵝兒浴淺沙  
早起一風如此惡  
路旁落盡折桐花

梁家渡

遠水環山翠作灣  
紅塵飛不入青山  
涼風一枕秋宵夢  
夢繞千巖萬壑閒

歐陽鈇三首

春暮

歷代詩選卷八十二  
六  
戀樹殘紅濕不飛楊花雪落水生衣年來百念成灰冷無  
語送春春自歸

山行

桑麻得雨更青蔥芍藥畱春結晚紅怪得鳥聲如許好此  
身還在亂山中

舟中聞雨

蓬窗臥聽疏疏雨卻似芭蕉半夜聲煙浪蔽天天倚蓋略  
容一點白鷗明

康與之一首

題慧力寺清風亭



江。上。濃。陰。曉。不。開。瘦。筇。支。我。上。蒼。苔。春。寒。前。日。去。已。盡。今。  
日。又。從。何。處。來。

劉。衰。一。首

罷。歸

去。日。春。蠶。吐。素。絲。歸。時。秋。菊。剝。金。衣。沙。鷗。不。入。鵝。鴻。侶。依。  
舊。滄。浪。繞。釣。磯。

朱。熹。一。首

香。茶。供。養。黃。蘗。長。老。悟。公。故。人。之。塔。并。小。詩。見。意

一。別。人。閒。萬。事。空。他。年。何。處。卻。相。逢。不。須。更。話。三。生。石。紫。  
翠。參。天。十。二。峰。

姜夔十首

吳江道中

一作過垂虹

自愛新詞韻最嬌。小紅低唱我吹簫。曲終過盡松陵路。回首煙波十四橋。

姑蘇懷古

夜暗歸雲繞柁牙。江涵星影雁眠沙。行人悵望蘇臺柳。曾與吳王掃落花。

下菰城

人家多在白雲中。楊柳疎疎尙帶風。記得下菰城下路。白雲依舊兩三峰。



除夜白石湖歸苕溪

黃帽傳呼睡不成。投篙細水激流冰。分明舊泊江南岸。舟尾春風颭客燈。

沙尾風迴一棹寒。椒花今夕不登盤。百年草草都如此。自琢春詞翦燭看。

過湘陰寄千巖

渺渺臨風思美人。荻花楓葉帶離聲。夜深吹笛移船去。三十六灣秋月明。

臨安旅邸答蘇虞叟

垂楊風雨小樓寒。宋玉秋詞不忍看。萬里青山無處隱。可

歷朝詩選卷八十二  
八  
憐○投○老○客○長○安○

湖上寓居雜詠

秋○風○低○結○亂○山○愁○千○頃○銀○波○凝○不○流○堤○畔○畫○船○堤○上○馬○綠○  
楊○風○裏○兩○悠○悠○

苑○牆○曲○曲○柳○冥○冥○人○靜○山○空○見○一○燈○荷○葉○似○雲○香○不○斷○小○  
船○搖○曳○入○西○陵○

雪中

曾○泛○扁○舟○詣○石○湖○恍○然○坐○我○范○寬○圖○天○寒○遠○挂○一○行○雁○三○  
十○六○峰○生○玉○壺○

高翥六首



過臨平

征帆一似白鷗輕起揭船篷看曉晴梅子著花霜壓岸白披風帽過臨平

春懷

江南春盡尙春寒添盡征衣獨掩關日暮酒醒聞謝豹所歡多在水雲閒

春寒

料峭東風破客衣春寒不比臘前時絕鄰牆角櫻桃樹全似梅花雪後枝

秋興

數聲新雁夜初長。曉起開門衣袂涼。籬菊褪黃秋色盡。瓦溝纔試一痕霜。

秋晚卽事

江頭楓葉舞低回。催得濃雲頃刻開。萬里碧天紅日晚。數聲新雁送寒來。

恭跋思陵宸翰拓本卷後

淡黃越紙打殘碑。盡是先皇御賜詩。白髮內人和淚讀。爲曾親見寫詩時。

鄧林九首

晉武帝



秋風銅爵曲池平。吳主宮娃滿掖庭。憑仗皇孫聰慧早。不知禍在夕陽亭。

張茂先

辨精龍肉亦奇才。雄匣干將去不回。只守鷓鴣蚊睫賦。天星未必折中台。

左太冲

辛勤十載賦三都。聞者曾貽酒瓮書。他日洛中添紙價。陸家兄弟竟何如。

石崇

梓澤神仙第一居。爭豪不惜碎珊瑚。荊州使客知何罪。未

必○亡○身○爲○綠○珠○

鄧郁

雲○母○餽○糧○五○嶽○樓○繡○娃○少○嫗○道○仙○遊○不○應○輕○信○雙○青○鳥○便○  
道○東○都○事○業○休○

朱彥和

文○如○玉○海○動○時○流○會○以○書○棋○伏○隱○侯○武○德○閣○前○消○幾○語○卻○  
令○梁○氏○缺○金○甌○

任蠻奴

千○里○旌○旗○已○渡○江○蠻○奴○苦○諫○喚○蕭○郎○卻○持○官○裏○黃○金○去○望○  
拜○韓○擒○石○子○岡○



敬微

受。用。廬。山。水。石。奇。亭。亭。霞。外。薜。蘿。衣。侍。中。那。抵。蘇。門。幃。笑。  
死。丹。青。陸。探。微。

張曲江祠

延。英。幾。度。獻。忠。言。白。羽。他。時。賦。感。恩。自。是。三。郎。真。贗。錯。卻。  
將。天。寶。換。開。元。

鄭震一首

荆南別賈制書東歸

來。時。秋。雨。滿。江。樓。歸。日。春。風。度。客。舟。回。首。荆。南。天。一。角。月。  
明。吹。笛。下。揚。州。

周弼四首

女墳湖

石龜無語對東風。海鶴曾迷曉市中。三十六鱗朝夜月。玉釵人在水晶宮。

吳門送周行者之毘陵

布帆何處定逢春。身是歸人又送君。明日隔城回首望。冷花寒葉滿秋雲。

回山僧書就題書尾

憶昔同遊題落葉。寺前枯樹鶴巢邊。不知今度苔枝上。多少秋蟲已化蟬。



落梅

玉樹分明夕照流。粉痕翻爲碧苔留。三更枝上玲瓏雨。亂  
滴寒香一夜愁。

陳允平四首

江南謠

柳絮飛時話別離。梅花開後待郎歸。梅花開後無消息。更  
待明年柳絮飛。

春閨

寂寞梨花院落閑。遠山愁入兩眉彎。黃金絡索珊瑚墜。獨  
立春風教白鵬。

春曉

曉風獵獵捲芭蕉。簾幙深深燕子巢。十二畫闌都倚徧。一雙蝴蝶上花梢。

小樓

寒空漠漠起愁雲。玉笛吹殘正斷魂。寂寞小樓簾半捲。雁煙蛩雨又黃昏。

杜旃一首

上徐子宜侍郎

當年金屋誤承恩。自倚容華託至尊。風外游絲難繫日。依然青草暗長門。



葉紹翁二首

西湖秋晚

愛山不買城中地。畏客長撐屋後船。荷葉無多秋事晚。又隨鷗鷺過殘年。

北關

脫衣命僕浣塵埃。籬落人家未見梅。出得城門能幾步。船頭便有白鷗來。

斯植一首

雪中寄巖泉

吟罷新詩祇自看。曉風吹恨上闌干。夜來雪滿前山路。誰

歷朝詩選卷八十二  
十三  
對梅花說歲寒

趙崇鈿一首

湖中

汀蒲獵獵起涼颼。碧藕香中獨立時。機事兩忘吾喪我。扁舟吟過水仙祠。

朱繼芳二首

題李秋堂盟鷗集

相逢已恨十年遲。買酒吳山一夜時。明日送春仍送我。柳花風颺鬢絲絲。

客路



屈指秋風與雁期。陽關西去到何時。側身一望腸堪斷。天似穹廬碧四垂。

嚴羽一首

酬友人

湘江南去少人行。瘴雨蠻煙白草生。誰念梁園舊詞客。桄榔樹下獨聞鶯。

嚴粲二首

宿石潭寺寄黃炳

昨夜湖心共泊船。一天星露宿寒煙。朝來極目無洲渚。知採蘋花何處邊。

二水聞角

少日鄉閭不解愁。閒聽畫角起譙樓。西風依舊闌干月。獨自瀟湘萬里秋。

張良臣二首

感舊

三十六陂春水綠。四十九年人事非。揚子江頭永嘉後。吳儂蕩槩北人稀。

示長蘆仁禪師

叢叢竹。雀鬧人家。農事春來漸有涯。品字柴頭煨政暖。不知風雪到梅花。



姚鏞一首

寓雪川

王戴溪頭小隱仙。漁翁引上雪溪船。幾回倦釣思歸去。又爲蘋花住一年。

樂雷發二首

東方朔

蜥蜴盆邊解滑稽。且分社肉飽蛾眉。劉郎最怕秋風冷。那聽君言換殿帷。

甲午社日客桂林

卮酒豚蹄客裏歡。石尤風緊裊衣單。東陽病骨如鸚鵡。最

怯南州社日寒

黃文雷二首

金陵卽事

唐晉諸人骨已磨。龍蟠虎踞自山河。可憐不共羊曇見。奈此秦淮落照何。

王謝風流自一時。長干古巷記烏衣。尋常百姓幾番換。那有當年燕子飛。

歷朝詩約選卷八十二終



七言絕句十一

金

歷朝詩約選八十三

郝侯一首

題均福堂

憧憧車馬競。春遊不見溪堂。五月秋臥聽雲濤。春午枕夢隨鷗鳥落沙洲。

邊元鼎二首

閱見

君居淄右妾河陽。平白相逢惹斷腸。蠟燭已殘歌欲闕。併教離恨繞飛梁。

鳳紙銜封玉鏡臺。繡鸞傳記已相猜。傾城笑臉千金樣。莫

對閒人一例閒

雷瑄三首

客有自關輔來言秦民之東徙者數十萬口攜持負  
戴絡繹山谷閒晝殮無糗糒夕休無室廬飢羸暴  
露濱死無幾閒有爲秦聲寫去國之情者秦子父  
母國也聞之悲不可禁乃作商歌十章倚其聲以  
紓子懷

盡室東行且未歸臨行重自鎖門扉爲語畫梁雙燕子春  
來秋去傍誰飛

灞水河邊楊柳春柔條折盡爲行人只愁落日悲笳裏吹



斷東風不到秦

行人十步九盤桓  
崖壑縈迴行路難  
忽到商顏最高處  
一時揮淚望長安

杜佺一首

馬嵬道中

垂柳陰陰水拍隄  
春晴茅屋燕爭泥  
海棠最好東風惡  
狼藉殘紅送馬蹄

趙之傑一首

題濟源龍潭寺

樹圍修竹圍菴菴  
下泓然碧一潭  
極目荷花半秋色  
小

橫圖上看江南

宋可一首

過洛陽

西來東去洛陽城千尺浮圖管送迎十日酒旗歌板地白頭孤客可憐生

李汾一首

感寓述史雜詩一錄

叔孫奉常通

秦時博士魯諸生漏網驪山百丈阮邂逅劉郎習綿蕝便能彈壓漢公卿



元好問十五首

續小娘歌

太平婚嫁不離鄉。楚楚兒郎小小娘。三百年來涵養出。卻將沙漠換牛羊。

俳體雪香亭雜詠

亭在故汴宮  
仁安殿西

洛陽城闕變灰煙。暮號朝虞只眼前。爲向杏梁雙燕道。營巢何處過明年。

金縷歌詞金屈卮。百年人事鬢成絲。重來未必春風在。更爲梨花住少時。

暮雲樓閣古今情。地老天荒恨未平。白髮纍臣幾人在。就

屋朝詩選卷八十三  
三  
中○愁○殺○庾○蘭○成○

濟南雜詩

兒○時○曾○過○濟○南○城○暗○筭○存○亡○只○自○驚○四○十○二○年○彈○指○過○祇○  
疑○來○處○是○前○生○

吳○兒○洲○渚○似○神○仙○罨○畫○溪○光○碧○玉○泉○別○有○洞○天○君○不○見○鵲○  
山○寒○食○泰○和○年○

內鄉雜詩

行○吟○溪○北○復○溪○南○風○日○烘○人○酒○易○酣○無○限○春○愁○與○誰○語○梅○  
花○嬌○小○杏○花○憨○

出鄧州



本無奇骨負功名。取次誰教髀肉生。未到白頭能幾日。六年留滯鄧州城。

聞歌懷京師舊遊

樓前誰唱綠腰催。千里梁園首重回。記得杜家亭子上。信之欽用共聽來。

無題

春風也解惜多才。嫁與桃花不用媒。死恨天台老劉阮。人間何戀卻歸來。

希顏挽詩

山立揚休七尺身。紫髯落落照青春。從教不入麒麟畫。猶

是。中。朝。第。一。人。

一。世。龍。門。屬。李。膺。待。君。提。拂。遂。升。騰。千。年。荆。棘。龜。跌。在。會。  
有。人。尋。下。馬。陵。

過希顏故居

缺。壺。聲。裏。短。歌。行。星。斗。闌。干。醉。膽。橫。虎。視。鷹。揚。何。處。在。道。  
邊。孤。冢。可。憐。生。

姨母隴西君諱日作

竹。馬。青。衫。小。小。郎。阿。姨。懷。袖。阿。孃。香。一。龕。白。骨。黃。河。隔。遙。  
望。梁。門。哭。斷。腸。

白題寫真



高。談。世。事。真。何。者。多。竊。時。名。亦。偶。然。山。鹿。野。麋。君。自。看。擬。  
從。何。處。著。貂。蟬。

歷朝詩約選卷八十三終